

*Doc. 32 (Scriptum est Herrico de
Hervilla secreto et magistro...)*

Basilicata University Press

—

Digital Humanities

Edizioni e data-bases digitali
sotto la direzione di Fulvio Delle Donne

*Doc. 32 (Scriptum est Herrico de
Hervilla secreto et magistro...)*

1294-11-24

Scriptum est Herrico de Hervilla secreto et magistro portulano et procuratori ac magistro salis Apulie familiari et fideli suo etc.

Per litteras tuas magistris rationalibus magne curie nostre missas accepimus, te ac Nicolaum de Sancto Iohanne Rotundo, tunc socium tuum in dictis officiis de mandato Filippi filii nostri carissimi, principis Tarentini, vices nostras in regno nostro Sicilie tunc gerentis, visa et attenta prius extimatione prima facta per te et dominum olim socium tuum de mandato nostri culminis, utrique actenus destinati de reparatione palatii ac domus Lacuspensilis pro bis que ultra extimationem eandem in lacu pensili reparanda et in Sancto Gervasio reparata essent per Landulfum comestabulum familiarum et Andream de Venusio fideles nostros prepositos operi reparationis palatiorum ipsorum, extimationem fieri fecisse denuo diligenter, que quidem extimatio computatis in ea unciis auri duabus pro expensis prepositorum ipsorum ascendit ad summam unciarum auri viginti trium, tarenorum viginti octo et granorum X, prout predicto tue littere continebant, nec huiusmodi summam pecunie adhuc pro reparatione pretactu prefatis prepositis exsolvisse, super que volumus et fidelitati tue districte precipimus quatenus statim receptis presentibus predictas uncias auri XXIII, tarenos viginti octo et grana decem ponderis generalis, computatis in eis dictis unciis auri duabus, pro predictorum prepositorum expensis, de quacumque pecunia curie officiorum tuorum existente vel futura per manus tuas, prefatis prepositis solvere et exhibere procures ut pecuniam ipsam, deductis inde dictis duabus unciis quas eos pro eorum expensis retinere

volumus in predicta reparatione convertant, mandato vel ordinatione aliquo in contrarium non obstante, et eo mandato precipue dudum facto de tota dicti officii tui pecunia ospicii nostri grofferiis pro parte nostre camere assignanda cum negotia fiscalia preferri velimus quibuscumque negotiis privatorum, recepturus de hiis que solveris apodixam. Sic etiam mandatum presens huiusmodi effectualiter exequi studeas quod inculcari tibi proinde alias maiestatis nostre litteras non sit opus.

Datum Neapoli per magistros rationales magne curie nostre etc... die XXXIII novembris octave indictionis (1294).